

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-23-8174/18
Sarajevo, 14.05.2018. godine

Na osnovu člana 70. i 100. stav 3. Zakona o javnim nabavkama ("Službeni glasnik", br. 39/14), te člana 14. stav 2. tačka 1. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, rješavajući po žalbi ponuđača Instituta za građevinarstvo IG d.o.o. Banja Luka, izjavljenoj po punomoćniku Blagojević Dušku, advokatu iz Banja Luke na Odluku o poništenju postupka javne nabavke, br. 02/12-23-8174/18 od 25.04.2018. godine u predmetu "Vršenja stručno tehničkog nadzora nad izvođenjem radova u komunalnoj oblasti po LOT-ovima" – LOT 2, u konkrentskom postupku, obavljenom na portalu javnih nabavki br. 422-7-2-62-3-29/18 od 11.04.2018. godine, na preporuku Komisije za javne nabavke roba i usluga, u ponovnom postupku, Općinski načelnik. donosi

ODLUKU

1. Uvažava se žalba Instituta za građevinarstvo IG d.o.o. Banja Luka, izjavljena po punomoćniku Blagojević Dušku, advokatu iz Banja Luke na Odluku o poništenju postupka javne nabavke br. 02/12-23-8174/18 od 25.04.2018. godine u predmetu "Vršenja stručno tehničkog nadzora nad izvođenjem radova u komunalnoj oblasti po LOT-ovima" – LOT 2, u konkrentskom postupku, obavljenom na portalu javnih nabavki br. 422-7-2-62-3-29/18 od 11.04.2018. godine.

2. Mijenja se Odluka o poništenju postupka javne nabavke 02/12-23-8174/18 od 25.04.2018. godine u predmetu "Vršenja stručno tehničkog nadzora nad izvođenjem radova u komunalnoj oblasti po LOT-ovima – LOT 2, u cjelosti, tako da glasi:
Prihvata se ponuda ponuđača Instituta za građevinarstvo IG d.o.o. Banja Luka sa najnižom cijenom tehnički prihvatljive ponude u iznosu od 8.881,79 KM sa PDV-om, shodno članu 64. stav 1. tačka b) Zakona o javnim nabavkama.

3. Zadužuje se Služba za zajedničke poslove da obavjesti učesnike u konkurentskom postupku o donošenju Odluke o dodjeli ugovora.

4. Protiv ove Odluke dozvoljena je žalba u roku od 5 dana od dana prijema iste.

O b r a z l o ž e n j e

Postupak javne nabavke "Nabavka usluga vršenja stručno tehničkog nadzora nad izvođenjem radova u komunalnoj oblasti po LOT-ovima – LOT 2, pokrenut je Odlukom o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem konkurentskog postupka, objavljenog na Portalu javne nabavke, broj obavještenja 422-7-2-62-3-29/18 od 11.04.2018. godine.

Izveštajem o radu komisije i preporukom za dodjelu ugovora, br. 02/12-8174/18 od 24.04.2018. godine, utvrđeno je:

- da je Zapisnikom o otvaranju ponuda od 23.04.2018. godine konstatovano je da su pristigle dvije ponude i to:

1. Institut za građevinarstvo IG d.o.o. Banja Luka, sa ponudom u iznosu od 8.881,79 KM sa PDV-om,
2. SARAJ INŽENJERING d.o.o. Sarajevo, sa ponudom u iznosu od 8.960,39 KM sa PDV-om,

- da je u postupku analize ponuda, Komisija detaljnom analizom dokumentacije kojom su ponuđači dokazali svoje kvalifikacije za učešće u ovom postupku, utvrdila da ponude navedenih ponuđača ne ispunjavaju uslove specificirane tenderskom dokumentacijom,

- ponuda ponuđača Institut za građevinarstvo IG d.o.o. Banja Luka ne ispunjavaju uslove specificirane tenderskom dokumentacijom iz tačke 4.2.1. pod (11) - nije dostavljen dokaz o radnom iskustvu za angažovano osoblje /inženjere/ iz tačke 4.2.1. pod (10) tenderske dokumentacije, obzirom da navedeni ponuđač ne može dati potvrde o radnom iskustvu za angažovano osoblje koje nije u radnom odnosu kod navedenog ponuđača, te da dostavljene kopije radnih knjižica u ponudi za angažovano osoblje ne predstavlja dokaz o radnom iskustvu u struci već o radnom stažu,

- da ponuda ponuđača SARAJ INŽENJERING d.o.o. Sarajevo ne ispunjavaju uslove specificirane tenderskom dokumentacijom iz tačke 4.2.1. pod (11) - nije dostavljen dokaz o radnom iskustvu za angažovano osoblje /inženjere/ iz tačke 4.2.1. pod (10) tenderske dokumentacije.

- da je Ponuđač Institut za građevinarstvo IG d.o.o. Banja Luka je uz ponudu dostavio kopiju radne knjižice za angažovano osoblje, a koja služi kao dokaz o radnom stažu, a ne radnom iskustvu u struci.

Shodno navedenom, Komisija za javne nabavke roba i usluga je dala preporuku za donošenje Odluke o poništenju postupka javne nabavke, obzirom da su zaprimljene dvije blagovremene ponude od kojih niti jedna ne ispunjava uslove specificirane tenderskom dokumentacijom, shodno članu 69. stav 2. tačka d) Zakona o javnim nabavkama.

Protiv navedene Odluke Instituta za građevinarstvo IG d.o.o. Banja Luka izjavio je žalbu putem punomoćnika Blagojević Duška, advokata iz Banja Luke u kojoj navodi:

- da je tačkom 4.2.1. pod (11) tenderske dokumentacije propisano da ponuda mora da sadrži „Dokaz o stručnoj spremi, položenom stručnom ispitu i radnom iskustvu za sve inženjere navedene u tačkama 9. i 10. (original ili ovjerena kopija),

- da je uvidom u ponudu žalitelja nesporno da je dostavljena sljedeća dokumentacija: diplome za angažovano osoblje, uvjerenje o položenom stručnom ispitu, izjavu o radnom iskustvu, radne knjižice, izjava o ispunjenosti uslova iz člana 50. Zakona o javnim nabavkama,

- da je ugovorni organ u tenderskoj dokumentaciji tražio dokaz o radnom iskustvu za angažovano osoblje, a da pri tome nije naveo koji dokaz, te je žalitelj dostavio izjavu da angažovano osoblje ima preko pet godina radnog iskustva, bez obzira što traženo osoblje nije zaposleno kod žalitelja, te da se izjava kao i CV po Zakonu o javnim nabavkama može uzeti kao dokaz ukoliko nije tačno naveden traženi dokaz (uvjerenje poslodavca ili drugi dokument) .

Cijeneći navode žalbe, Komisija je utvrdila da su isti osovani, te je pristupila ponovnoj evaluaciji ponuda dostavljenih u predmetnom postupku javne nabavke, te sačinila Izvještaj i preporuku za dodjelu ugovora, br. 02/12-23-8174/18 od 11.05.2018. godine kojim je konstatovano sljedeće:

- da je Zapisnikom o otvaranju ponuda od 23.04.2018. godine konstatovano je da su pristigle dvije ponude i to :

1. Institut za građevinarstvo IG d.o.o. Banja Luka, sa ponudom u iznosu od 8.881,79 KM sa PDV-om,

2. SARAJ INŽENJERING d.o.o. Sarajevo, sa ponudom u iznosu od 8.960,39 KM sa PDV-om,

- da ponuđač Institut za građevinarstvo IG d.o.o. Banja Luka ispunjava uslove specificirane tenderskom dokumentacijom, a da ponuđač SARAJ INŽENJERING d.o.o. Sarajevo ne ispunjava uslove specificirane tenderskom dokumentacijom iz tačke 4.2.1. pod (11) - nije dostavljen dokaz o radnom iskustvu za angažovano osoblje /inženjere/ iz tačke 4.2.1. pod (10) tenderske dokumentacije.


Imajući u vidu navedeno, tj. da su zaprimljene dvije blagovremene ponude od kojih jedna ispunjava uslove specificirane tenderskom dokumentacijom, na preporuku Komisije za javne nabavke roba i usluga, a shodno članu 64. stav 1. tačka b) i članu 100. stav 3. Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik

mr. Semir Efendić